



## **Universitätsbibliothek Paderborn**

### **Antidota Evangelica Contra Horvm Temporvm Hæreses**

In Qvibvs Quatuor Euangeliorum illi textus explicantur, quibus vel hæretici  
hodie (maximè Caluinus & Beza) ad sua dogmata propugnanda vti solent,  
vel ad hæreticorum dogmata impugnanda Catholici vti possunt

**Stapleton, Thomas**

**Lvgdvni, 1595**

6. Cauete à fermento Pharisæorum & Sadducæorum.

**urn:nbn:de:hbz:466:1-39463**

Isan. 7.

miraculis probetur merito desideramus, tum quia planè noua est & inaudita, tū quia nullis hactenus miraculis illustrata est. Pharisæi & Sadducæi non in eo peccabant, quod ad confirmationem doctrinæ Christi penitus noua signa petebant (nam ad illam confirmandam plurima signa Christus studio fecit, dicens tandem: *Si mihi non creditis, operibus credite*) sed tum quia signum è cælo petebat, quasi genus miraculi Christo præscribentes, tum quia post tam multa & tam illustria præstata miracula, illis non contenti, noua semper postulabant. Nunc Caluinus cum suis nouis dogmatibus nullum miraculum facere potuit, re tandem infeliciter Genevæ tentata, Matthæo quodam, qui sc̄ mortuum fingeret, ut à Caluino suscitari videretur, verè & miserè extincto. Nec ab eo signum de cælo, sed vel minimum in terra miraculū exigitur. Adeo nihil affine aut simile habet cū Pharisæorum impudenteria, quod Catholicis impudenter impingit Caluinus.

### 6. Cauete à fermento Pharisæorum & Sadducæorum.

Cap. 24.

**Q**uod per fermentum Pharisæorum hoc loco Hieronymus & Hilarius in suis cōmentariis ipsam legem Moysicam & literam eius intelligi volunt, sensus ille non ad intentum Christi, sed veluti ipsorum & nostris temporibus magis conueniens, (quibus videlicet nunc lex illa quo ad sua ceremonialia & literam occidentem fermentum est) ab illis traditus fuit: idque docendi gratia: quod apud veteres interpres frequenter obseruare licet. Ipsa enim lex adhuc Christo hæc loquente adeo vigebat, ut infra dicturus sit: *Super cathedram Moysis sederunt Scribe & Pharisei. Quacunque ergo dicunt vobis, facite & seruate. Quæ verba non sunt huic loco contraria. Hic enim iubet Christus suos cauere non ab eorum doctrina quam super cathedram Moysis sedentes docēt, id est, quam per continuam maiorum successionem à Moysi acceperant, sed ab eorum fermento, id est, priuata & propria eorum doctrina ab ipsis adiuenta (nam & ideo Sadducæos illis adiunxit, qui super cathedram Moysis non sedebant, sed propria tantum fermenta docuerunt) qualis est hodie hæreticorum omnium maximè Caluinistarum doctrina à seipsi excogitata, dum nouis suis & vitiosis dogmatibus ita oppresam tenent diuinarum Scripturarum, maximè Euangelicæ & Apostolicæ doctrinam, ut stolidis eorum commentariis ac nouis Dei verbis corruptelis, nihil in fide sanū, nihil in Scriptura*

ptura integrum maneat. Citius ignis aquæ miscebitur quam  
vt Caluini figura cum Euangelio quis conciliet. Quare  
qui Christi discipulus esse vult, ab hæreticoru hodie & Cal-  
uini maximè fermentis putum se seruare imprimis studeat.  
De hoc arguento plura vide in Prompt. Cath. Dom. 7. post  
Pent. ad illa verba: *Attendite vobis, &c.* Item ser. 3. Pent. ad illa  
verba: *Alienum non sequuntur, sed fugiunt ab eo.* Caluinus ta-  
men hoc loco contra Pontificiam & Ecclesiasticam doctri-  
nam magnum se argumentum obseruasse putat. Sic enim scri-  
bit. *Videndum est quorū doctrinam caneri velit Dominus.* Tunc  
certè penes Scribas & sacerdotes ordinaria erat Ecclesiæ poten-  
tias, in quibus priuatum tenebant Pharisei. Quum nominatim  
ab eorum doctrina prohibeat suos Christus, sequitur repudian-  
dos esse omnes quia sua figura admiscent verbo Dei, vel quic-  
quam alienum ingerunt, quo cunque tandem polleat honoris gra-  
du vel titulo superbiant. Quare maledicta & prauaricatrix est  
eorum subiectio, qui se ultro Papæ & cōmentis & legibus subjiciunt.  
Hoc Caluini argumentum omnium rebellionum hæretico-  
rum fundamentum est, multiplici impietate & ineptia labo-  
rans. Primum, nō sequitur Ecclesiæ magistros fermentatam *Synagogæ*  
& corruptam doctrinam tradere posse, eo quod Synagogæ error non  
magistri Scribæ & Pharisei eam tradiderint. Firmiores quip-  
pe sunt Ecclesiæ promissiones quam Synagogæ. Illi enim di-  
ctum est: *Porta inferi non præualebunt aduersus eam.* Rursum:  
*Spiritus S. docebit vos omnem veritatem in eternum.* Denique: *Matth. 16.*  
Ego vobiscum sum usque ad consummationem saeculi. *Synagogæ* *Ioan. 14.*  
error ac lapsus non solum possibilis, sed & prædictus erat. *Matth. 28.*  
Secundò, quæ Synagogæ magistri etiam corrupti illi ex ca-  
thedra Moysis dicebant, id eit, iuxta doctrinam à maioribus  
suis continua successione accepta, ea facienda & seruanda es-  
se Christus docet. Fermentum à quo cauere iubet, priuata &  
recens erat quorundam adiumentio. *Quo* sanè sensu priuatus  
quispiam in Ecclesia Episcopus aut sacerdos non ex cathedra  
antiquitus tradita, sed ex suo cerebro propria quædam & no-  
ua dogmatizans audiendus non est. Tertiò quando Ecclesiast-  
rum magistri vel ex cathedra docent, vel sua fermenta ob-  
trudunt, non cuiusvis è populo, sed aliorum superiorum Pa-  
storum & Synodalium maximè autoritatis est iudicare. Quar-  
to si Caluini argumentum simpliciter admittatur, nec ipse  
Caluinus nec aliis quispiam hæreticus magister authorita-  
tem docendi diu retinebit; sed non obstante ministerij sui  
honore & dignitate, facilimè à quolibet reiicitur quod do-

cet, tanquam fermentum Pharisaeicum: sicuti & olim *idem* *l*  
*cuius* *Valentinianis* quod *Valentino* (ait in *Præscript. Tertullianus*) & hodie *idem* licuit *Lutheranis* quod *Luthero*, qui ab illo maximo numero desciuerunt, sicut ipse ab Ecclesia desciuerat. Nihil ergo hoc *Caluini* argumento magis impium, nihil ineptius. Sunt autem hæc omnia latius explicata in opere nostro de *Princip. fidei*, potissimum vero libro 2. cap. 1., & lib. 10. cap. 4.

18. *Tu es Petrus, & super hanc petram ædificabo Ecclesiam meam, & portæ inferi non præualebunt aduersus eam.*

**T**otum hunc locum *Caluinus* novo commentatio penitus peruerit. Ait *Simonem Petrum* vocari, *quia viuus in templo Dei lapis suam stabilitatem retinebat. Super hanc petram exponit, esse Christi fidem, super quam non tantum Simon, sed & omnes alij fundati sancto consensu in spirituale ædificium aptantur: & quicquid piorum in mundo futurum erat, Petro aggregare Christum voluisse. Non præualebunt aduersus eam, exponit de Ecclesiæ quidem inuicta firmitate intelligi, sed quod de corpore Ecclesiæ dicitur, ad singula eius membra perinere, quatenus unum sunt in Christo: & quicunque in Christo uniti Christum maiorem agnoscunt, in finem usque ab omni noxa ruti manebunt. Hæc ille. Ita insigni impostura ac fraude totum hunc locum peruerit. Quæ Christus de unius Petri & successorum eius persona dixerat, ad quemlibet fidelem trahit. Quæ de totius Ecclesiæ firmitate Christus promisit, ad specialem fidem & certitudinem salutis in quolibet credente contorquet. Ita non solùm verum sensum peruerit, sed & impio dogmati de unica piorum fide in amissibili hanc Scripturam subseruire facit. Verum autem & genuinum ex Patribus de promptum horum verborum sensum, est usque loci vim & doctrinam uberiorius explicaram vide in *Prompt. Cath.* in fetto SS. Petri & Pauli. Iam vero hæc verba, *Tibi dabo claves regni cœlorum, uni Petro singulariter dicta*, ad omnes Evangelij ministros transfert *Caluinus*, & totam clavum potestatem in verbi ministerio ac prædicatione ponit. Contra quam duplicem huius loci corruptelam vide à nobis disputata in *Prompt. Cathol.* loco citato.*

Cate